

18 апреля 2020 года

Страстная седмица

ВЕЛИКАЯ СУББОТА

**Последование утрени
для домашнего (келейного) совершения**

УТРЕНЯ

Молѣтвами святѣхъ отѣцъ нашихъ, Господи Иисусе Христѣ, Божѣ нашъ, помилуй насъ. **Аминь.**

Слава Тебѣ, Божѣ нашъ, слава Тебѣ.

Царю Небесный, Утѣшителю, Душе истины, Иже везде сый и вся исполняй, Сокровище благихъ и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святѣй Божѣ, Святѣй Крепкий, Святѣй Безсмертный, помилуй нас. Трижды, и три поклона.

Слава Отцу, и Сыну, и Святому Духу, и ныне и присно, и во веки веков. Аминь.

Пресвятая Троице, помилуй нас: Господи, очисти грехи наша; Владыко, прости беззакония наша; Святѣй, посети и исцели немощи наша, имене Твоего ради.

Господи, помилуй. Трижды.

Слава, и ныне:

Отче наш, Иже еси на Небесехъ, да святится имя Твое, да придет Царствие Твое, да будетъ воля Твоя, яко на Небесѣхъ, и на земли. Хлебъ наш насущный даждь намъ днесь; и остави намъ долги наша, якоже и мы оставляемъ должникомъ нашимъ; и не введи насъ во искушение, но избави насъ от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Господи, помилуй, 12.

Слава, и ныне:

Приидите, поклонимся Цареву нашему Богу.

Приидите, поклонимся Христу, Цареву нашему, Богу.

Приидіте, поклонімся и припадём Самому Христу, Цареві и Бóгу нашему.

ДВУПСАЛМИЕ

Псалом 19

Услышит тя Господь в день печали, защитит тя имя Бóга Иаковля. Послет ти помощь от Святаго и от Сиона заступит тя. Помянет всяку жертву твою, и всесожжение твоё ту́чно буди. Даст ти Господь по сердцу твоему и весь совет твой исполнит. Возрадуемся о спасении твоём и во имя Господа Бóга нашего возвеличимся. Исполнит Господь вся прошения твоя. Ны́не познах, яко спасе Господь христа Своего, услышит его́ с Небесе́ Святаго Своего, в силах спасение десницы Его́. Сии на колесницах, и сии на ко́нех, мы же во имя Господа Бóга нашего призовём. Тии спя́ти бы́ша и падо́ша, мы же воста́хом и испра́вихомся. Госпо́ди, спаси́ царя́ и услыши ны, во́ньже а́ще день призовём Тя.

Псалом 20

Господи, силою Твоею возвеселится царь и о спасении Твоём возрадуется зело́. Желание сердца его́ дал еси́ ему́, и хотения устну́ его́ неси́ лишил его́. Яко предвари́л еси́ его́ благословением благосты́нным, положи́л еси́ на главѣ́ его́ вене́ц от ка́мене че́стна. Живота́ проси́л есть у тебе́, и дал еси́ ему́ долготу́ дний во век ве́ка. Ве́лия сла́ва его́ спасением Твои́м, сла́ву и велеле́ние возложи́ши на него́. Яко да́си ему́ благословение во век ве́ка, возвесели́ши его́ ра́достью с лице́м Твои́м. Яко царь упова́ет на Господа, и ми́лостью Вы́шняго не подви́жится. Да обря́щется рука́ Твоя́ всем враго́м Твои́м, десни́ца Твоя́ да обря́щет вся ненави́дящия Тебе́. Яко положи́ши их яко пещь о́гненную во вре́мя лица́ Твоего́, Господь гне́вом Свои́м смяте́т я́, и снёсть их о́гнь. Плод их от земли́ погуби́ши, и се́мя их от сыно́в челове́ческих. Яко уклони́ша на Тя зла́я, помы́слиша советы́, ихже не возмо́гут соста́вити. Яко положи́ши я́ хребѣ́т, во избы́тцех Твои́х угото́виши лице́ их. Вознеси́ся, Госпо́ди, силою Твоею, воспоём и поём си́лы Твоя́.

Сла́ва, и ны́не:

Трисвято́е. Сла́ва, и ны́не: Пресвята́я Тро́ице:
Господи, помилуй. Трижды. Сла́ва, и ны́не: Отче наш:

И тропари:

Спаси́ Госпо́ди лю́ди Твоя́, / и благослови́ достоя́ние Твое́, / победы́ на сопроти́вныя да́руя, / и Твое́ сохраня́я Кресто́м Твои́м жи́тельство.

Сла́ва: Вознесѣйся на Крест во́лею, / тезоименѣтому Твоему́ но́вому жи́тельству / щедро́ты Твоя́ да́руй, Христе́ Бо́же, / возвесели́ нас си́лою Твоею́, / победы́ да́я нам на сопоста́ты, / посóбие иму́щим Твое́ ору́жие ми́ра, / непобеди́мую победы́.

И ны́не: Предста́тельство стра́шное и непосты́дное, / не прѣзри Благо́я моли́тв на́ших, Всепѣтая Богоро́дице, / утверди́ правосла́вных жи́тельство: / спаси́ лю́ди Твоя́, и пода́ждь им с небесе́ победы́, / зане́ родила́ еси́ Бо́га, еди́на благослове́нная.

Го́споди, помѣлуй. 12.

Сла́ва, и ны́не:

ШЕСТОПСАЛМИЕ

Сла́ва в вы́шних Бо́гу, и на земли́ мир, в челове́цах благоволе́ние. Трижды.

Го́споди, устне́ мой отве́рзеши, и уста́ моя́ возвестя́т хвалу́ Твою́. Дважды.

Псалом 3

Го́споди, что ся умно́жиша стужа́ющи ми́? Мно́зи встаю́т на мя, мно́зи глаго́лют души́ мое́й: несть спасе́ния е́му в Бо́зе егó. Ты же, Го́споди, Засту́пник мой еси́, сла́ва моя́ и возно́сѣй главу́ мою́. Гласом мо́им ко Го́споду воззва́х, и услы́ша мя от горы́ святы́я Свое́я. Аз усну́х, и спях, воста́х, я́ко Госпо́дь засту́пит мя. Не убою́ся от тем люде́й, о́крест напа́дающих на мя. Воскресни́, Го́споди, спаси́ мя, Бо́же мой, я́ко Ты порази́л еси́ вся вражду́ющыя ми́ всѹе: зу́бы грѣшников сокруши́л еси́. Госпо́дне есть спасе́ние, и на лю́дех Твои́х благослове́ние Твое́.

Аз усну́х, и спях, воста́х, я́ко Госпо́дь засту́пит мя.

Псалом 37

Го́споди, да не я́ростию Твоею́ обличи́ши мене́, ниже́ гне́вом Твои́м нака́жеши мене́. Я́ко стрѣлы Твоя́ унзо́ша во мне, и утверди́л еси́ на мене́ ру́ку Твою́. Несть исцеле́ния в плóти мое́й от лица́ гне́ва Твоегó, несть ми́ра в косте́х мои́х от лица́ грех мои́х. Я́ко беззакóния моя́ превзыдо́ша главу́ мою́, я́ко брѣмя тя́жкое отяготѣ́ша на мене́. Возсмерде́ша и согни́ша ра́ны моя́ от лица́ безу́мия моего́. Пострада́х и сляко́хся до конца́, весь день сѣту́я хождáх. Я́ко лядвѣя моя́ напо́лнишася поругáний, и несть исцеле́ния в плóти мое́й. Озло́блен бых и смири́хся до зела́, рыка́х от воздыхáния се́рдца моего́. Го́споди, пред Тобо́ю все желáние моё́ и воздыхáние моё́ от Тебе́ не утайся. Се́рдце моё́ смяте́ся, оста́ви мя си́ла моя́, и свет óчию мое́ю,

и той несть со мною. Друзи мой и искреннии мой прямо мне приближишася и сташа, и ближнии мой отдалече мене сташа и нуждахуся ищущии душу мою, и ищущии злая мне глаголаху суетная и лстивным весь день поучахуся. Аз же яко глух не слышах и яко нем не отвержая уст своих. И бых яко человек не слышай и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мой: и внегда подвижатися ногам моим, на мя велеречеваша. Яко аз на раны готов, и болезнь моя предо мною есть вина. Яко беззаконие мое аз возвещу и попечуся о гресе моем. Врази же мой живут и укрепятся паче мене, и умножишася ненавидящии мя без правды. Воздающи ми злая возлагая оболгашу мя, зане гонях благостыню. Не остави мене, Господи Боже мой, не отступи от мене. Вонми в помощь мою, Господи спасения моего.

Не остави мене, Господи Боже мой, не отступи от мене. Вонми в помощь мою, Господи спасения моего.

Псалом 62

Боже, Боже мой, к Тебе утреннюю, возжада Тебе душа моя, коль множицею Тебе плоть моя, в земли пусте и непроходне, и безводне. Тако во святем явяхся Тебе, видети силу Твою и славу Твою. Яко лучши милость Твоя паче живот, устне мои похваляю Тя. Тако благословлю Тя в животе моем, о имени Твоем воздежу рuce мои. Яко от тука и масти да исполнится душа моя, и устнами радости восхвалят Тя уста моя. Аще поминах Тя на постели моей, на утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же все искаша душу мою, внидут в преисподняя земли, предадутся в руки оружия, части лисовом будут. Царь же возвеселится о Боже, похвалится всяк кленыйся Им, яко заградилася уста глаголющих неправедная.

На утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя.

Слава, и ныне:

Аллилуйя, аллилуйя, аллилуйя, слава Тебе Боже. Трижды, без поклонов.

Господи помилуй. Трижды.

Слава, и ныне:

Псалом 87

Господи Боже спасения моего, во дни воззвах, и в нощи пред Тобою. Да внидет пред Тя молитва моя: приклони ухо Твое к молению моему, яко исполнися зол душа моя, и живот мой аду приближися. Привменен бых с низходящими в ров, бых яко человек без помощи, в мертвых свободь, яко язвеннии спящии во гробе, ихже не помянул еси ктому, и тии от руки Твоея отриновени быша. Положиша мя в ров преисподнем, в темных и сени смертной. На мне утвердися ярость Твоя, и вся волны Твоя навел еси на мя. Удалил еси знаемых моих от мене, положиша мя мерзость себе: предан бых и не исхождах. Очи мои изнемогосте от нищеты, воззвах к Тебе, Господи, весь день, вздох к Тебе рuce мой. Еда мертвыми твориши чудеса? Или врачеве воскресят, и исповедятся Тебе? Еда повесть кто во гробе милость Твою, и истину Твою в погибели? Еда познана будут во тьме чудеса Твоя, и правда Твоя в земли забвенней? И аз к Тебе, Господи, воззвах и утро молитва моя предварит Тя. Вскую, Господи, отрeеши душу мою, отвращаеши лице Твое от мене? Нищ есмь аз, и в трудех от юности моея; вознес же ся, смирихся, и изнемогах. На мне преидоша гнeви Твои, устрашения Твоя возмутиша мя, обыдоша мя яко вода, весь день одержаша мя вкупе. Удалил еси от мене друга и искренняго, и знаемых моих от страстей.

Господи Боже спасения моего, во дни воззвах, и в нощи пред Тобою. Да внидет пред Тя молитва моя: приклони ухо Твое к молению моему.

Псалом 102

Благослови, душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твое: обновится яко орля юность твоя. Твориай милостыни Господь, и судьбу всем обидимым. Сказа пути Своя Моисею, сыном Израилевым хотения Своя: Щедр и Милостив Господь, Долготерпелив и Многомилостив. Не до конца прогневается, ниже во век враждует, не по беззаконию нашему сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят восток от запада, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает

ктому́ мѣста своего́. Мѣлость же Господня от вѣка и до вѣка на боящихся Егѡ, и прѡвда Егѡ на сынѣх сынѡв, хранѣщих заветъ Егѡ, и помнящих заповѣди Егѡ творѣти я. Господь на Небесѣх уготовѡ Престѡл Свой, и Цѡрство Егѡ всеми обладаѣт. Благословѣте Господа вси Ангели Егѡ, сѣльнии крѣпостию, творѣщии слѡво Егѡ, услышати глас словѣс Егѡ. Благословѣте Господа вся Сѣлы Егѡ, слугѣ Егѡ, творѣщии вѡлю Егѡ. Благословѣте Господа вся дела Егѡ, на всяком мѣсте владычества Егѡ, благословѣ, душѣ моѡ, Господа.

На всяком мѣсте владычества Егѡ, благословѣ, душѣ моѡ, Господа.

Псалом 142

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдѣтся предъ Тобою всякъ живѣй. Яко погна врагъ душу мою, смирилъ есть в зѣмлю животъ мой, посадилъ мя есть в темныхъ, яко мертвыя вѣка. И уны во мне дух мой, во мне смятеся сердце мое. Помянухъ дни древния, поучихся во всехъ дѣлахъ Твоихъ, в творѣннѣхъ рукѣ Твоею поучахся. Воздохъ къ Тебѣ руке мои, душа моѡ, яко земля безводная Тебѣ. Скоро услыши мя, Господи, исчезе дух мой, не отврати лица Твоего от мене, и уподоблюся низходящѣмъ в ровъ. Слышану сотвори мне заутра милость Твою, яко на Тя уповахъ. Скажи мне, Господи, путь вѡнже пойду, яко къ Тебѣ взяхъ душу мою. Изми мя отъ врагъ моихъ, Господи, къ Тебѣ прибегахъ. Научи мя творѣти вѡлю Твою, яко Ты еси Бог мой. Дух Твой Благѣй наставитъ мя на зѣмлю праву. Имене Твоего ради, Господи, живѣши мя, правдою Твоею изведеши отъ печѡли душу мою. И милостию Твоею потребиши враги моѡ и погубиши вся стужающыя души моѣй, яко азъ рабъ Твой есмь.

Услыши мя, Господи, в правде Твоей и не вниди в суд с рабом Твоим.

Услыши мя, Господи, в правде Твоей и не вниди в суд с рабом Твоим.

Дух Твой Благѣй наставитъ мя на зѣмлю праву.

Слава, и нынѣ:

Аллилуѣя, аллилуѣя, аллилуѣя, слава Тебѣ Бѡже. Трижды.

Господи, помилуй. 12.

Слава, и нынѣ:

Богъ Господь и тропарѣ

Гласъ 2:

Богъ Господь и явился намъ, благословѣнъ Грядѣй во имя Господне.

Стих: Исповéдайтесь Гóсподеви, я́ко благ, я́ко в век мѣлость Егó.

Бог Госпóдь и явѣся нам, благословѣн Грядѣй во ѡмя Госпóдне.

Стих: Обышédше обыдóша мя и ѡменем Госпóдним противляхся им.

Бог Госпóдь и явѣся нам, благословѣн Грядѣй во ѡмя Госпóдне.

Стих: Не умрú, но жив бúду и повém делá Госпóдня.

Бог Госпóдь и явѣся нам, благословѣн Грядѣй во ѡмя Госпóдне.

Стих: Кáмень, Егóже небрегóша зѣждущии, Сей бысть во главú úгла, от Гóспода бысть Сей и есть дѣвен во очесéх нáших.

Бог Госпóдь и явѣся нам, благословѣн Грядѣй во ѡмя Госпóдне.

Тропари, глас 2:

Благообráзный Иосиф, с дрéва снем Пречѣстое Тéло Твоé, Плащаницею чѣстою обвѣв, и вонѣми во гробѣ нóве покрѣв положи.

Слáва Отцú, и Сýну, и Святóму Дúху.

Егдá снизшél есѣ к смérти, Животé Безсмérтный, тогда ад умертвѣл есѣ блистáнием Бóжества. Егдá же и умérшыя от преиспóдных воскресѣл есѣ, вся Сѣлы Небéсныя взывáху: Жизнодáвче Христé Бóже наш, слáва Тебé.

И нýне и прѣсно, и во вéки вéков. Амѣнь.

Миронóсицам жéнам, при грóбѣ предстáв Áнгел вопѣяше: мѣра мёртвым суть прилѣчна, Христóс же истлénия явѣся чуждъ.

НЕПОРОЧНЫ И ПОХВАЛЫ, ГЛАС 5

Благословѣн есѣ, Гóсподи, научѣ мя оправдáнием Твоѣм.

Статѣя пѣрвая

Блажéни непорóчнии в путь, ходѣящии в закóне Госпóдни.

Жизнь во грóбѣ положѣлся есѣ, Христé, и áнгельская вóинства ужасáхуся, снизхождénие слáвляще Твоé.

Блажéни испытáющии свидénия Егó, всем сёрдцем взѣщут Егó.

Животé, кáко умираéши? Кáко и во грóбѣ обитаéши? Смérти же Цáрство разрушáеши, и от ада мёртвыя возстáвляеши?

Не дéлающии бо беззакóния, в путéх Егó ходѣша.

Величáем Тя, Иисýсе Царю, и чтем погребénие и страдáния Твоѣ, ѡмиже спасл есѣ нас от истлénия.

Ты заповедал еси заповеди Твоя сохранити зело.

Меры земли положи́вый, в малом обита́еши, Иисусе Всецарю, гробе днесь, от гробов мертвыя возста́вляяй.

Да бы исправи́лися пути́е мой, сохранити оправда́ния Твоя́.

Иисусе Христэ мой, Царю́ всех, что ища к су́щым во а́де пришёл еси́? Или́ род отрешити челове́ческий?

Тогда́ не постыжуся, внегда́ призрети ми на вся заповеди Твоя́.

Владыка́ всех зрится мертв, и во гробе но́вем полага́ется, истощи́вый гробы́ мертвых.

Испове́мся Тебе́ в правости се́рдца, внегда́ научи́ти ми ся судьбам правды Твоея́.

Животе́ во гробе положи́лся еси́, Христэ: и сме́ртию Твоею́ смерть погуби́л еси́, и источи́л еси́ ми́рови жизнь.

Оправда́ния Твоя́ сохраню́, не оста́ви мене́ до зела.

Со злодеи́ яко злоде́й, Христэ, вмени́лся еси́, оправда́я нас всех от злоде́йства дре́вняго за́пинателя.

В чесо́м исправи́т юне́йший путь свой? Внегда́ сохранити словеса́ Твоя́.

Кра́сный добро́тою па́че всех челове́к, яко беззра́чен мертв явля́ется, естество́ украси́вый всех.

Всем се́рдцем моём взыска́х Тебе́, не отрини мене́ от заповедей Твои́х.

Ад ка́ко стерпи́т, Спа́се, пришество́е Твое́, а не па́че боле́знует омрача́емь, блиста́ния Све́та Твоего́ зарею́ ослепле́н.

В се́рдце моём скрых словеса́ Твоя́, яко да не согрешу́ Тебе́.

Иисусе, Сла́дкий мой и спаси́тельный Све́те, во гробе ка́ко те́мном скры́лся еси́? О несказа́ннаго и неизрече́ннаго терпе́ния!

Благослове́н еси́, Го́споди, научи́ мя оправда́нием Твои́м.

Недоумева́ет и естество́ у́мное, и мно́жество безплóтное, Христэ, таи́нства несказа́ннаго и неизрече́ннаго Твоего́ погребе́ния.

Устна́ма моима́ возвестих́ вся судьбы́ уст Твои́х.

О чуде́с стра́нных! О веще́й но́вых! Дыха́ния моего́ Подате́ль бездыха́нен но́сится, погреба́ем рука́ма Ио́сифовыма.

На пути́ свидений Твои́х наслади́хся, яко о вся́ком богатстве.

И во гроб зашёл еси, и недр, Христё, Отёческих никакоже отлучился еси: сие странное и преславное купно.

В заповедех Твоих поглумлюся, и уразумёю пути Твоя.

Истинный Небесё и земли Царю, аще и во гробе малейшей заключился еси, познался еси всей твари, Иисусе.

Во оправданиях Твоих поучуся, не забуду словес Твоих.

Тебё положёну во гробе. Создателю Христё, адская подвизашася основания, и гроби отверзшася человеком.

Воздаждь рабу Твоему, живи мя, и сохрани словеса Твоя.

Землю Содержай дланию, умерщвлён плотию, под землею ныне содержится, мёртвыя избавляя адова содержания.

Откры очи мой, и уразумёю чудеса от закона Твоего.

Из истления возшёл еси Животё, Спасе мой, Тебё умершу, и к мёртвым пришедшу, и сломившу адовы верей.

Пришлец аз есмь на земли, не скрый от Менё заповеди Твоя.

Якоже света Светильник, ныне плоть Божия, под землю яко под спуд крыется, и отгоняет сущую во аде тьму.

Возлюби душа моя возжелати судьбы Твоя на всякое время.

Умных стекается воинов множество со Иосифом и Никодимом, погребсти Тя неместимаго во гробе мале.

Запретил еси гордым, прокляти уклоняющийся от заповедей Твоих.

Умерщвлён волею, и положён под землею, Жизноточе Иисусе мой, оживил еси умерщвлена мя преступлением горьким.

Отыми от Менё понос и унижение, яко свидений Твоих взысках.

Изменяшеся вся тварь страстию Твоею, вся бо Тебё, Слове, сострадаху, Содержителя Тя ведуще всех.

Ибо седоша князи, и на мя клеветяху: раб же Твой глумляшеся во оправданиях Твоих.

Живота Камень во чреве приём ад всеядец изbleва, от века яже поглотит мёртвыя.

Ибо свидения Твоя поучение моё есть, и совети мой оправдания Твоя.

Во гробе нове положился еси, Христё, и естество человеческое обновил еси, воскрес благолепно из мёртвых.

Прильпé земли душá моя, живи́ мя по словеси́ Твоему́.

На зéмлю сшел еси́, да спасéши Адама, и на земли́ не обрéте сего́, Влады́ко, да́же до ада снизшéл еси́ ищáй.

Пути́ моя возвестих, и услы́шал мя еси́, научи́ мя оправдáнием Твоим.

Сотрясéся страхом, Сло́ве, вся земля́, и денница́ лучы́ скры, велича́йшему в земли́ сокровéнному Твоему́ свéту.

Путь оправдáний Твоих вразуми́ ми, и поглумлю́ся в чудесéх Твоих.

Я́ко человеќ у́бо умира́еши во́лею, Спа́се, я́ко Бог же смéртныя возста́вил еси́ от гробóв, и глубины́ грехóвныя.

Воздрема́ душá моя от уны́ния, утверди́ мя в словесéх Твоих.

Слезотóчная рыдáния на Тебé, Чы́стая, Мáтерски, о Иисýсе, накрапля́ющи вопия́ше: ка́ко погребу́ Тя, Сы́не?

Путь непра́вды отста́ви от Мене́, и за́коном Твоим поми́луй мя.

Я́коже пшени́чное зéрно, заше́д в нéдра земна́я, многопéрстный возда́л еси́ клас, возста́вив челове́ки, я́же от Ада́ма.

Путь и́стины изво́лих, и судьбы́ Твоя́ не забы́х.

Под земле́ю скры́лся еси́ я́ко со́лнце ны́не, и но́щию смéртною покровéн был еси́, но возсия́й светле́йше, Спа́се.

Прилепи́хся свидéнием Твоим, Го́споди, не посрами́ мене́.

Я́коже со́лнечный круг, луна́, Спа́се, сокрывáет, и Тебé ны́не гроб скры, сконча́вшагося смéртию плóтски.

Путь за́поведей Твоих текóх, егда́ разшири́л еси́ сéрдце моé.

Живо́т смéрти вкусíвый Христóс, от смéрти смéртныя свободи́, и всем ны́не дáрует живо́т.

Законоположи́ мне, Го́споди, путь оправдáний Твоих и взыщу́ и́ вы́ну.

Умерщвлéна дрéвле Ада́ма зависти́но, возводи́ши к животу́ умерщвлéнием Твоим, но́вый, Спа́се, во плóти явлéйся Ада́м.

Вразуми́ мя, и испыта́ю за́кон Твой, и сохраню́ и́ всем сéрдцем моим.

У́мнии тя чи́ни, простéрта мéртва зря́ще нас ра́ди, ужаса́хуся, покрывáеми крилы́, Спа́се.

Настáви мя на стезю́ за́поведей Твоих, я́ко ту́ю восхотéх.

Снем тя, Сло́ве, от дрéва мéртва, во грóбе Ио́сиф ны́не положи́, но воста́ни спаса́яй вся я́ко Бог.

Приклоні сёрдце моё во свидѣнія Твоѧ, а не в лихоймство.

Ангельская, Спáсе, рáдость быв, ны́не и печáли сим был еси́ ви́новен, ви́дим плóтию бездыхáнен мертв.

Отврати́ очи мой, ёже не ви́дети суеты́, в путѧ Твоём живѧ мя.

Вознёслся еси́ на дрéве, и живúщия челове́ки совозно́сиши: под землёю же быв, лежáщия под нёю воскрешáеши.

Поста́ви рабу Твоему́ сло́во Твоё в страх Твой.

Якоже лев, Спáсе, уснув плóтию, я́ко нёкий скíмен мертв воста́еши, отложив ста́рость плотскúю.

Отыми́ поноше́ние моё, ёже непщевáх, я́ко судьбы Твоѧ благи.

Врёбра прободён был еси́, ребро́ взёмый Адамле, от негóже Ёву созда́л еси́, и источи́л еси́ то́ки чистительныя.

Се возжелáх за́поведи Твоѧ, в прáвде Твоёй живѧ мя.

Тáйно úбо дрéвле жрётся А́гнец, Ты же я́ве жрен быв, Незло́биве, всю тварь очисти́л еси́, Спáсе.

И да при́дет на мя мýлость Твоѧ, Гóсподи, спасёние Твоё по словеси́ Твоему́.

Кто́ изречёт́ о́браз стра́шный войстинну но́вый? Влады́чествуяй бо тва́рию, днесъ страсть приё́млет, и умира́ет нас ра́ди.

И отвеща́ю поноша́ющим ми сло́во: я́ко упова́х на словеса́ Твоѧ.

Животá Сокрóвище, ка́ко зрѣтся мёртвый, ужаса́ющеся áнгели взыва́ху? Ка́ко же во грóбе заключа́ется Бог?

И не отыми́ от уст мо́их словесе́ йстинна до зела, я́ко на судьбы́ Твоѧ упова́х.

Копиём прободённаго, Спáсе, из ребра Твоегó, живóт животóм из животá спáсшаго мя иска́паеши, и живѧши мя с ним.

И сохраню́ за́кон Твой вѣ́ну, в век и в век вéка.

Распростёрт на дрéве, собра́л еси́ челове́ки: врёбра же прободён, животóчное всем оставлénие источáеши, Иисýсе.

И хождáх в широтé, я́ко за́поведи Твоѧ взысках.

Благоо́бразный, Спáсе, образу́ет стра́шно, и погребáет Тя я́ко мёртва благоо́бразно, и ужасается Твоегó образа стра́шнаго.

И глаго́лах о свидéниях Тво́их пред царѧ, и не стыд́яхся.

Под землёю хотением низшѣд яко мертв, возводиши от земли к небѣсным оттуду падшыя, Иисусе.

И поучахся в заповедех Твоих, яже возлюбих зело.

Аще и мертв виден был еси, но живый яко Бог возводиши от земли к небѣсным оттуду падшыя, Иисусе.

И воздвигох рuce мой к заповедем Твоим, яже возлюбих.

Аще и мертв виден был еси, но жив яко Бог, умерщвлѣнныя человеки оживил еси, моего умертвив умертвителя.

И глумляхся во оправданиих Твоих.

О, радости, оныя! О, многия сладости! Ихже во аде наполнил еси, во днах мрачных свет возсияв.

Помяни словеса Твоя рабу Твоему, ихже упование дал ми еси.

Покланяюся страсти, воспеваю погребѣние, величаю Твою державу, Человеколюбче, имиже свободихся страстей тлетворных.

То мя утѣши во смирении моем, яко слово Твое живи мя.

На Тя меч обнажися, Христѣ, и меч крепкаго убо притупляется, и меч же обращается Едемский.

Гордии законопреступоваху до зела, от закона же Твоего не уклонихся.

Агница Агнца зрящи в заколении, острием прободяема рыдаше, сподвигши и стадо вопити.

Помянух судьбы Твоя от века, Господи, и утѣшихся.

Аще и во гробе погребаешися, аще и во ад идеши; но и гробы истошил еси, и ад обнажил еси, Христѣ.

Печаль прият мя от грѣшник, оставляющих закон Твой.

Волею низшел еси, Спасе, под землю, умерщвлѣнный человеки оживил еси, и возвел еси во славе Отчей.

Петя бяху мне оправдания Твоя на месте пришельствия моего.

Троицы Един во плоти нас ради поносную претерпе смерть, ужасается же солнце, и трепещет земля.

Помянух в нощи Имя Твое, Господи, и сохраних закон Твой.

Яко от источника горькаго, Иудова колена исхадия в ровѣ положиша, питателя маннодавца Иисуса.

Сей бысть мне, яко оправданий Твоих взысках.

Судия́ яко суди́мь пред Пилáтом суди́ею, и предста́, и сме́ртию непра́ведною осужде́н бысть, дре́вом крестным.

Часть моя еси́, Го́споди, Рех сохра́нити зако́н Твой.

Го́рдый Изра́илю, уби́йственнии лю́дие, что пострада́вше, Варáвву свободи́сте, и Спа́са преда́сте Кресту́?

Помоли́хся лицу́ Твоему́ всем се́рдцем мо́им, поми́луй мя по словеси́ Твоему́.

Руко́ю Твое́ю созда́вый Ада́ма от земли́, того́ ра́ди естество́м был еси́ Чело́век, и распялся еси́ во́лею Твое́ю.

Помыслих пути́ Твоя́, и возврати́х но́зе мо́й во свиде́ния Твоя́.

Послушав, Сло́ве, Отца́ Твоего́, да́же до а́да лю́таго соше́л еси́, и воскреси́л еси́ род чело́веческий.

Угото́вихся, и не смути́хся сохра́нити за́поведи Твоя́.

Увы мне, Све́те ми́ра, увy мне, Све́те Мой, Иису́се Мой возжеленный, вопия́ше Де́ва, рыда́ющи го́рько взыва́ше.

У́жя грешник обяза́шася мне, и зако́на Твоего́ не забых.

Зави́стливи́и, уби́йственнии и го́рдии лю́дие, поне́ плащани́цы и сударя́ Самаго́ да стыдятся, воскресе́шу Христу́.

Полу́нощи воста́х, испове́датися Тебе́ о судьба́х пра́вды Твоея́.

Прииди́ у́бо, скве́рный уби́йце учени́че, и нрав зло́бы Твоея́ покажи́ ми, имже был еси́ преда́тель Христóв.

Прича́стник аз есмь всем бо́ящимся Тебе́, и храня́щим за́поведи Твоя́.

Я́ко Чело́веколю́бив не́кто притворя́ешися бу́е, и сле́пе всегуби́тельнейший, неве́рный, ми́ро прода́вый на цене́.

Ми́лости Твоея́, Го́споди, испо́лнь земли́, оправда́нием Твои́м научи́ мя.

Небе́снаго ми́ра кую́ имёл еси́ це́ну многоце́ннаго? Ко́е прия́л еси́ противосто́йное; неистовство́ обре́л еси́ прокля́тейший сатано́.

Бла́гость сотвори́л еси́ с рабо́м Твои́м, Го́споди, по словеси́ Твоему́.

А́ще нищелю́бец еси́, и о ми́ре печа́луеши исто́щае́мом во очи́щение ду́ш, ка́ко на зла́те прода́еши светоза́рна?

Бла́гости, и наказа́нию и ра́зуму научи́ мя, я́ко за́поведем Твои́м ве́ровах.

О, Бо́жий Сло́ве! О, ра́досте моя́! Ка́ко претерплю́ тридне́вное Твое́ погребе́ние? Ны́не терза́юся утробо́ю ма́терски.

Прэжде да́же не сми́рити ми ся, аз прегреші́х, сего́ ра́ди сло́во Твое́ сохрани́х.

Кто даст Ми воду и слез исто́чники, Богоневéстная Дéва взыва́ше: да воспла́чу сла́дкаго Ми Иисúса.

Благ еси́ Ты, Го́споди, и бла́гостию Твое́ю научи́ мя оправда́нием Твои́м.

О го́ры и хо́лми, и челове́ков мно́жества воспла́чители, и вся рыда́йте со Мно́ю Бо́га вашего Ма́терию.

Умно́жися на мя непра́вда го́рдых, аз же всем се́рдцем мои́м испыта́ю за́поведи Твоя́.

Когда́ ви́жду Тя, Спа́се, безле́тнаго Све́та, ра́дость и сла́дость се́рдца моего́? Дéва го́рько вопия́ше.

Усы́рися я́ко млеко́ се́рдце их, аз же зако́ну Твоему́ поучи́хся.

А́ще и я́ко ка́мень, Спа́се, краесекóмый, Ты прия́л еси́ сече́ние, но источи́л еси́ живу́ю стру́ю, я́ко Исто́чник сый жи́зни.

Бла́го мне, я́ко смири́л мя еси́, я́ко да научу́ся оправда́нием Твои́м.

Я́ко от исто́чника еди́наго сугубо́ю реко́ю ребро́м Твои́м излива́ющим напо́яюще́ся, безсме́ртную приобрета́ем жизнь.

Благ мне зако́н уст Твои́х, па́че ты́сящ зла́та и серебра́.

Бо́лею яви́лся еси́, Сло́ве, во грóбе мертв, но живёши, и челове́ки, я́коже предрéкл еси́, воскресе́нием Твои́м, Спа́се мой, воздви́заеши.

Сла́ва Отцу́, и Сы́ну, и Свято́му Ду́ху.

Воспева́ем, Сло́ве, Тебе́, всех Бо́га, со Отце́м и Святы́м Твои́м Ду́хом, и сла́вим Божéственное Твое́ погребе́ние.

И ны́не, и прі́сно, и во ве́ки веко́в. **Ами́нь.**

Блажи́м Тя, Богоро́дице Чі́стая, и почита́ем триднёвное погребе́ние Сы́на Твоего́, и Бо́га на́шего ве́рно.

И па́ки:

Жи́знь во грóбе положи́лся еси́, Христé, и А́нгельская во́инства ужа́сахуся, снизхожде́ние сла́вяще Твое́.

Го́споди, поми́луй. **Трижды.**

Сла́ва, и ны́не:

Статія вторая

Достойно есть величати Тя Жизнодавца, на Кресте рuce простёршаго, и сокрушшаго державу вражию.

Рuce Твой сотвори́сте мя, и создаете мя; вразуми́ мя, и научу́ся за́поведем Твои́м.

Достойно есть величати Тя, всех Зиждителя; Твоими бо страда́ньми и́мамы безстра́стие, избáвльшеся тлѣния.

Боящи́ися Тебѣ у́зрят мя и возвеселя́тся, я́ко на словеса́ Твоя́ упова́х.

Ужасе́ся земля́, и со́лнце, Спа́се, скры́ся, Тебѣ Невече́рнему Свету, Христе́, заше́дшу во грóбе плóтски.

Разуме́х, Го́споди, я́ко пра́вда судьбы́ Твоя́, и вои́стинну смири́л мя еси́.

Усну́л еси́, Христе́, естественнóживóтным сном во грóбе, и от тяжка́го сна грехóвнаго воздвигл еси́ род челове́ческий.

Буди́ же мило́сть Твоя́, да утѣшит мя по словеси́ Твоему́ рабу́ Твоему́.

Еди́на жен кромѣ болѣзней роди́х Тя, Чадо, болѣзни же ны́не терплю́ стра́стию Твоею́ нестерпи́мая, глаго́лаше Чи́стая.

Да прии́дут мне щедро́ты Твоя́, и жив бу́ду, я́ко за́кон Твой поучѣ́ние моѣ́ есть.

Горѣ́ Тя, Спа́се, неразлучно со Отце́м су́ща, до́ле же ме́ртва простёрта на земли́ ужаса́ются зря́ще Серафи́ми.

Да постыда́тся го́рдии, я́ко непра́ведно беззако́нноваша на мя, аз же поглумлю́ся в за́поведех Твои́х.

Раздира́ется церко́вная завѣса Твои́м распя́тием, покрыва́ют свети́ла, Сло́ве, свет, Тебѣ скры́вшуся со́лнцу под зѣмлю.

Да обратя́т мя боящи́ися Тебѣ́, и ве́дающи свидѣ́ния Твоя́.

Земли́ из начала́ еди́нем ма́нием водрузи́вый круг бездыха́нен, я́ко челове́к, за́йде под зѣмлю: ужасни́ся видѣ́нием не́бо.

Буди́ се́рдце мое непоро́чно во оправда́ниих Твои́х, я́ко да не постыжу́ся.

Зашѣ́л еси́ под зѣмлю, руко́ю Твоею́ созда́вый челове́ка, да воздвигнеши от паде́ния собо́ры челове́ческия всеси́льною держа́вою.

Исчеза́ет во спасѣ́ние Твоѣ́ душа́ моя́, на словеса́ Твоя́ упова́х.

Плач свяще́нный прииди́те воспои́м Христу́ умершему́, я́ко дре́вле жены́ миронóсицы, да и ра́дуйся услы́шим с ни́ми.

Исчезо́ша о́чи мой в сло́во Твое́, глаго́люще: когд́а ут́ешиши мя?

Мíро вой́стинну еси́ Ты, Сло́ве, неисто́щимое: т́емже Ти и мíра приноша́ху, я́ко мёртву живóму, жены́ миронóсицы.

Занé бых я́ко мех на сл́ане, оправд́аний Тво́их не заб́ых.

А́дова у́бо погреб́ен Ц́арствия, Христ́е, сокруша́еши, смёртию же смерть умерщвля́еши, и тл́ения свобожда́еши земнорóдных.

Ко́лико есть дней раба́ Твоегó? Когд́а сотвори́ши ми от гоня́щих мя суд?

То́ки ж́изни пролива́ющая Бóжия Премúдрость, во гроб заходя́щи животвори́т сýщия, в незаходíмых а́довых м́естех.

Повéдаша мне законопрестúпницы глумл́ения, но не я́ко закóн Твой, Гóсподи.

Да челове́ческое обновлю́ сокруш́енное естество́, уязвлен есмь смёртию хотя́ плóтию, М́ати Мойя́, не терза́йся рыда́ньми.

Вся за́поведи Твоя́ и́стина, непра́ведно погна́ша мя, помози́ ми.

Зашёл еси́ под зéмлю Светонóсец пра́вды, и мёртвыя я́коже от сна воздв́игл еси́, отгна́в всякую т́ьму сýщую во аде.

Вма́ле не сконча́ша мене́ на земл́и: аз же не оста́вих за́поведей Тво́их.

Зерно́ двоера́сленное, естественнóжизненное, в бока́ земна́я се́ется со слеза́ми днес́: но прозя́бше, мир ра́достносотвори́т.

По м́лости Твое́й живи́ мя, и сохраню́ свид́ения уст Тво́их.

Убо́йся Адам, Бóгу ходя́щу в ра́й, радуется же ко аду соше́дшу, пады́й прё́жде, и ны́не воздвиза́емь.

Во век, Гóсподи, сло́во Твое́ пребыва́ет на Небес́и.

Жрет Тебе́ жёртвы слéзные Рóждшая Тя, Христ́е, плóтию полож́ену во грóбе, вопи́ющи: воста́ни, Ча́до, я́коже предрéкл еси́.

В род и род и́стина Твоя́, основал еси́ зéмлю и пребыва́ет.

Во грóбе Ио́сиф благоговéйно Тя нóвем сокрыва́я, пё́сни исхо́дные благоле́пныя поёт Тебе́, смеш́еныя рыда́ньми, Спа́се.

Учин́ением Тво́им пребыва́ет день, я́ко вся́ческая рабóтна Тебе́.

Гвоздьми́ Тя Кресту́ пригвожд́ена, М́ати Твоя́, Сло́ве, зря́щи, гвоздьми́ печ́али го́рькия пронза́ет, и стрéлами дýшу.

Я́ко а́ще бы не закóн Твой поуч́ение моё́ был, тогд́а у́бо погíбл бых во смире́нии моём.

Тя всех Наслаждѣние Мати зрящи, питиѣм напаяема горьким, слезами лице омакает горце.

Во век не забуду оправданий Твоих, яко в них оживил мя еси.

Уязвляюся люте, и растерзаюся утробою, Слове, зрящи неправедное Твое заклѣние, глаголаше Пречистая с плачем.

Твой есмь аз, спаси мя, яко оправданий Твоих взысках.

Око сладкое, и устне Твои како заключу, Слове? Како же Ты мертволѣпно погребу? Ужасаюся, вопияше Иосиф.

Менѣ ждаша грѣшницы погубити мя, свидѣния Твоя разумех.

Пѣсни Иосиф и Никодим надгробныя поют Христу умершему ныне, поют же с ними и Серафими.

Всякия кончины видех конец, широка заповедь Твоя зело.

Заходиши под землю, Спасе, Солнце правды; темже рождающая Ты Луну печальми оскудевает, вида Твоего лишаяма.

Коль возлюбих закон Твой, Господи, весь день поучение мое есть.

Ужасеся ад, Спасе, зря Тя Жизнодавца, богатство онаго упражняюща, и яже от века мертвыя возставающа.

Паче враг моих умудрил мя еси заповедию Твоею, яко в век моя есть.

Солнце свет возсиявает по нощи, Слове, и Ты же воскрес, просияваеши по смерти ясно, яко от чертога.

Паче всех учащих мя разумех, яко свидѣния Твоя поучение мое есть.

Земля Тя, Создателю, в недра приемши, трепетом содержима, Спасе, трясется, успивши мертвыя трясением.

Паче старец разумех, яко заповеди Твоя взысках.

Миры Тя, Христѣ, Никодим и Благообразный, ныне новолѣпно помазующе, ужаснися, вопияху, вся земля.

От всякаго пути лукава возбраних ногам моим, яко да сохраню словеса Твоя.

Зашел еси, Светотворче, и с Тобою зайде свет солнца: трепетом же тварь содержится, всех Тя проповѣдаючи Творца.

От судьб Твоих не уклонихся, яко Ты законоположил ми еси.

Камень углаждённый краеугольный покрывает камень, человек же смертный, яко смертна Бóга, покрывает ныне во грóбе: ужаснися, землѣ.

Коль сладка гортани Моему́ слова Твоя, паче мѣда устóм моим.

Виждь ученика, егóже любил еси́, и Твою́ Матерь, Чáдо, и вещание даждь сладчайшее, вzywáше пла́чущи Чистая.

От заповедей Твоих разумѣх, сего́ ради возненавидѣх всяк Путь неправды.

Ты, Слове, яко сый животá дáтель, иудѣов, на Крестѣ прострыйся, не умертвил еси́, но воскресил еси́ и сих мёртвых.

Светильник ногáма моима закон Твой, и свет стезя́м моим.

Добрóты, Слове, прѣжде не имѣл еси́, ниже́ вѣда, егда́ страдал еси́: но воскрес провозсия́л еси́, удобрив челове́ки Божественными заря́ми.

Кля́хся, и поста́вих, сохранити судьбы́ правды Твоея́.

Зашёл еси́ плóтию в зѣмлю Невечерний Светонóсец, и не терпя́ зрѣти со́лнце померче, полудни ещё сущу.

Смирíхся до зелá, Гóсподи, живи́ мя по словеси́ Твоему́.

Сóлнце вкúпе и луна́ померкше, Спáсе, рабóм благоразумным образова́хуся, иже в чёрныя одѣжды облачáтся.

Вóльная уст моих благоволи́ же Гóсподи, и судьбáм Твоим научи́ мя.

Вѣде Тя, Бóга, сóтник, áще и умертвился еси́, кáко Тя úбо, Бóже мой, осяжý рука́ма; ужаса́юся, вопия́ше Иóсиф.

Душá моя́ в руку́ Твоею́ вѣну, и закона́ Твоего́ не забых.

Усну́ Ада́м, но смерть из ребр извóдит: Ты же ны́не усну́л еси́, Сло́ве Бóжий, источáеши от ребр Твоих мíрови жизнь.

Положи́ша грѣшницы сеть мне, и от заповедей Твоих не заблудих.

Усну́л еси́ máло, и оживил еси́ умершья, и воскрес, воскресил еси́ спя́щия от вѣка, Блáже.

Наслѣдовах свидѣния Твоя́ во век, яко ра́дование сѣрдца моего́ суть.

Взят еси́ от земли́, но источил еси́ спасѣния вино́, животóчная лозó: прослávляю страсть и Крест.

Приклоних сѣрдце моё, сотворити оправдáния Твоя́ во век за воздая́ние.

Ка́ко умная чи́нонача́лия Тя, Спа́се, пою́т, на́га, окрова́влена, осужде́на, терпе́ща дерзость распина́телей?

Законопресту́пныя возненави́дех, зако́н же Твой возлюбих.

Обруче́нный, стрóпотнейший ро́де евре́йский, ве́дал еси́ воздви́жение хра́ма, почто́ осуди́л еси́ Христа́?

Помо́щник мой и Засту́пник мой еси́ Ты, на словеса́ Твоя́ упова́х.

Во оде́жду поруга́ния, украси́теля всех облека́еши, и́же не́бо утверди́, и зе́млю украси́ чу́дно.

Уклоните́ся от Мене́ лука́внующии, и испыта́ю за́поведи Бо́га моего́.

Я́коже неясы́ть уязвлен в ре́бра Твоя́, Сло́ве, о́троки Твоя́ умершья оживи́л еси́, иска́пав живóтныя им то́ки.

Засту́пи мя по словеси́ Твоему́, и жив бу́ду, и не посрами́ мене́ от ча́яния моего́.

Сóлнце пре́жде уста́ви Иису́с, иноплеме́нники секи́й: Ты же скры́лся еси́, низлага́я тьмы нача́льника.

Помози́ ми, и спасу́ся, и поучу́ся во оправда́ниях Твои́х вѣну.

Недр оте́ческих неисхо́ден пребы́в, Ще́дре, и челове́к бы́ти благоволи́л еси́, и во ад снизше́л еси́, Христé.

Уничижи́л еси́ вся отступа́ющыя от оправда́ний Твои́х, я́ко непра́ведно помышле́ние их.

Взя́тся распный́ся, И́же на вода́х зе́млю пове́шей, и я́ко бездыха́нен в ней ны́не возлега́ет: я́же не терпе́щи тряса́шеся лю́те.

Преступа́ющыя непщева́х вся грѣшныя земли́, сего́ ра́ди возлюбих свидѣ́ния Твоя́.

Увы́ Мне, о Сы́не! Неискусому́жная рыда́ше глаго́лющи: Егóже бо я́ко ца́ря наде́яхся, осужде́на зрю ны́не на Крестé.

Пригвозди́ стра́ху Твоему́ плóти моя́, от суде́б бо Твои́х убо́яхся.

Сия́ Гаври́ил мне возвести́, егда́ слетé, и́же Ца́рство вéчное рече́, Сы́на Моего́ Иису́са.

Сотвори́х суд и пра́вду, не преда́ждь мене́ обидя́щим мя.

Увы́, Симеóново соверши́ся проро́чество: Твой бо меч прóйде сёрдце Моё́, Еммануиле.

Восприими́ раба́ Твоего́ во бла́го, да не оклеветают мене́ гóрдии.

Понé сýщих от мёртвых постыд́итесь, о иудее! Ихже Животода́вец возста́ви, Егóже вы уби́сте зависти́но.

Очи мои исчезо́сте во спасéние Твое́, и в сло́во пра́вды Твоея́.

Ужасéся ви́девшее Невидимый Свёте, Тебé, Христé мой, во грóбе сокрывáема, бездыхáнна же, и помрач́и со́лнце свет.

Сотвори́ с рабо́м Твои́м по мило́сти Твое́й, и оправда́нием Твои́м научи́ мя.

Пла́каше го́рько Пренепоро́чная Мати Твоя́, Сло́ве, егда́ во грóбе ви́де Тебé неизрече́нного и безнача́льного Бо́га.

Раб Твой есмь аз, вразуми́ мя, и увéм свидéния Твоя́.

Мёртвость Твою́, нетлénная, Христé, Ма́ти Твоя́ зрящи, го́рько к Тебé вещáше: не косни́, Животе́, в мёртвых.

Вре́мя сотвори́ти Го́сподеви, разори́ша зако́н Твой.

Ад лю́тый потрепетá, егда́ Ты ви́де со́лнце сла́вы, Безсме́ртне, и издава́ше ю́зники тща́тельно.

Сего́ ра́ди возлюб́их за́поведи Твоя́, па́че зláта и топа́зия.

Ве́лие и ужа́сное видéние ны́не зри́тся, живота́ сый вино́вный, смерть подъя́т, оживи́ти хотя́ всех.

Сего́ ра́ди ко всем за́поведем Твои́м направля́хся, всяк путь непра́вды возненави́дех.

Пробода́ешия в ре́бра, и пригвожда́ешия, Влады́ко, рука́ми, я́зву от ребра́ Ты исцеля́я, и невоздержáние рук праоте́ц.

Дивна свидéния Твоя́, сего́ ра́ди испытá я душá моя́.

Пре́жде Рахи́лина сы́на пла́каше всяк и́же в дому́, и Сы́на Дéвыя рыда́ху учени́к лик с Ма́терию.

Явлéние словéс Твои́х просвещáет и вразумля́ет младéнцы.

Ударéние рук да́ша Христóвой ланите́, руко́ю челове́ка созда́вшего, и чéлюсти зве́ря сокруши́вшего.

Уста́ моя́ отверзо́х, и привлеко́х дух, я́ко за́поведей Твои́х желях.

Пёсньми Твое́, Христé, ны́не распя́тие и погребéние, вси ве́рнии пра́зднуем, изба́вльшеся сме́рти погребéнием Твои́м.

Сла́ва Отцу́, и Сы́ну, и Свято́му Ду́ху.

Безначальне Бóже, Соприсносу́ще Сло́ве, и Ду́ше Святы́й, укрепи́ на рáтныя, я́ко благ.

И ны́не и прѣсно, и во ве́ки веко́в. **Ами́нь.**

Жизнь ро́ждшая, Пренепоро́чная Чѣстая Де́во, утоли́ церко́вныя собла́зны, и пода́ждь мир я́ко Благáя.

И па́ки:

Досто́йно есть велича́ти Тя Жизнода́вца, на Кресте́ ру́це просте́ршаго, и сокру́шшаго держа́ву вра́жию.

Го́споди, поми́луй. **Трижды.**

Сла́ва, и ны́не:

Статья́ трéтия

Глас 3

Рóди вси песнь погребéнию Твоему́ прино́сят, Христé мой.

При́зри на мя и поми́луй мя, по суду лю́бящих Ё́мя Твое́.

Снем с дрéва ѿже от Аримафе́а, плащани́цею обвѣв во грóбе Тя погребáет.

Стопы́ моя́ напра́ви по словеси́ Твоему́, и да не облада́ет мно́ю вся́кое беззакóние.

Миронóсицы приидóша мѣра Тебé, Христé мой, нося́щыя премúдро.

Избáви мя от клеветы́ челове́ческа, и сохраню́ за́поведи Твоя́.

Грядѣ́, вся тварь, пѣсни исходны́я принесём Зиждѣ́телю.

Лице́ Твое́ просветѣ́ на раба́ Твоегó, и научѣ́ мя оправдáнием Твоѣ́м.

Яко мёртва Живáго, с миронóсицами вси миропомáжем мúдренно.

Исхóдища водна́я изведóсте óчи мой, понéже не сохранѣ́х закóна Твоегó.

Иóсифе требла́женне, погребѣ́ тѣло Христá Жизнода́вца.

Пра́веден еси́, Го́споди, и пра́ви судѣ́ Твоѣ́.

Ё́хже воспита́ мánною, воздвигóша пятú на Благоде́теля.

Заповѣдал еси́ пра́вду, свидѣ́ния Твоя́, и ѿстину зело́.

Ё́хже воспита́ мánною, прино́сят Спасу́ желчь кúпно и óцет.

Иста́яла мя есть рѣвность Твоя́, я́ко забы́ша словеса́ Твоя́ вразѣ́ мой.

О пребезúмїя и христоубѣ́йства пророкоубѣ́йц!

Разжже́но сло́во Твое́ зело́, и раб Твой возлюбí ё.

Якоже безúмный служи́тель, предаде́ учени́к Бездну Прему́дрости.

Юне́йший аз есмь и уничиже́н, оправда́ний Твои́х не забывх.

Изба́вителя оста́вив, плéнник оста́вился льсти́вый Иу́да.

Пра́вда Твоя́ пра́вда во век, и зако́н Твой и́стина.

По Соломо́ну ров глубо́кий, уста́ евре́й беззакóнных.

Ско́рби и ну́жди обрето́ша мя, за́поведи Твоя́ поучéние моё.

В стрóпотных шéствиих евре́ов беззакóнных, волчцы́ и сéти.

Пра́вда свидéния Твоя́ в век, вразумí мя, и жив бúду.

Ио́сиф погреба́ет с Никодíмом, мертволéпно Зиждíтеля.

Воззва́х всем сёрдцем мо́йм, услы́ши мя, Го́споди, оправда́ния Твоя́ взыщу́.

Жизнода́вче, Спа́се, сла́ва держа́ве Твое́й, ад разо́ршей.

Воззва́х Ти, спасí мя, и сохраню́ свидéния Твоя́.

Лежа́ща Ты, Пречи́стая, ви́дящи, Сло́ве, матеролéпно пла́каше.

Предварíх в безго́дии, и воззва́х, на словеса́ Твоя́ упова́х.

О сладча́йшая Моя́ Весно́, сладча́йшее Моё Чадо, где Твоя́ за́йде добро́та?

Предварíсте о́чи мо́й ко утру, поучíтися словесéм Твои́м.

Плач сподви́заше Всечи́стая Твоя́ Ма́ти, Тебе́, Сло́ве, умéршу.

Глас мой услы́ши, Го́споди, по ми́лости Твое́й, по судьбе́ Твое́й живí мя.

Жены с ми́ры приидо́ша пома́зати Христа́, Божéственного ми́ра.

Прибли́жишася гоня́щии мя беззакóнием, от зако́на же Твоего́ удали́шася.

Смерть сме́ртию Ты умерщвля́еши, Бо́же мой, Божéственной си́лою Твое́ю.

Близ еси́ Ты, Го́споди, и вси путиé Твой и́стина.

Прельсти́ся прелéстник, прельсти́выйся избавля́ется премудростию Твое́ю, Бо́же мой.

И спéрва позна́х от свидéний Твои́х, я́ко в век основáл я еси́.

Во дно áдово низведе́н бысть преда́тель, в кладене́ц ислéния.

Виждь смирение моё, и изми мя, яко закона Твоего не забуду.

Волцы и сети путие твоеянинаго безумнаго Иуды.

Суди суд мой, и избави мя, словеса ради Твоего живи мя.

Вси спогибают распинатели Твои, Слово, Сыне Божий Всецарю.

Далече от грешник спасение, яко оправданий Твоих не взыскаша.

В кладенец истления вси спогибают мужие кровей.

Щедроты Твоя многи, Господи, по судьбе Твоей живи мя.

Сыне Божий Всецарю, Боже мой, Создателю мой, како страсть подъял еси?

Мнози изгоняши мя и стужающи ми, от свидений Твоих не уклонихся.

Юница тельца на древе повешена зываше зрящи.

Видех неразумеваша и истях, яко словеса Твоих не сохраниша.

Тело животноное Иосиф погребает с Никодимом.

Виждь, яко заповеди Твоя возлюбих, Господи, по милости Твоей живи мя.

Зываше Отроковица тепле слезы точащи, утробою прободима.

Начало словеса Твоих истина, и во век вся судьбы правды Твоея.

Свете очию Моёю, сладчайшее Моё Чадое, како во гробе ныне покрываешия?

Князи погнаша мя туны, и от словеса Твоих убоися сердце моё.

Адама и Еву свободити, Мати не рыдай, сия стражду.

Возрадуюся аз о словесах Твоих, яко обретая корысть многу.

Прославляю Твое, Сыне Мой, крайнее благоутробие, егже ради сия страждеша.

Неправду возненавидех и омерзих, закон же Твой возлюбих.

Оцтом напоен был еси и желчию, Щедре, древнее разрешая вкушение.

Седмерицею днем хвалих Тя, о судьбах правды Твоея.

На Кресте пригвоздился еси, древле люди Твои столпом облачным покрывая.

Мир мног любящим закон Твой, и несть им соблазна.

Миронóсицы, Спáсе, ко грóбу пришédшыя, мíра принесóша Тебé.

Чáях спасéния Твоегó, Гóсподи, и зáповеди Твой возлюбíх.

Востáни, Щéдре, от прóпастей áдских возставля́й нас.

Сохрани́ душá мой свидéния Тво́я, и возлюбí я зело́.

Воскресни́, Жизнода́вче, рóждшая Тя Мáти, слéзы точáщи, глаго́лет.

Сохрани́х зáповеди Тво́я и свидéния Тво́я, я́ко вси путиé мой пред Тобóю, Гóсподи.

Потщíся воскресну́ти, печáль разрешáя, Сло́ве, чíсто рóждшия Тя.

Да прибли́жится мо́ление моé пред Тя, Гóсподи, по словесí Твоему́ вразумí мя.

Небéсныя сíлы ужасóшася стра́хом, мёртва Тя зряще.

Да вни́дет прошéние моé пред Тя, Гóсподи, по словеси Твоему́ избáви мя.

Любóвию же и стра́хом стра́сти Тво́я почита́ющим, даждь прегрешéний разрешéние.

Отры́гнут устнé мой пéние, егда́ научи́ши мя оправда́нием Твои́м.

О ужáснаго и стра́ннаго видéния, Бóжий Сло́ве! Ка́ко земл́я Тя спокрыва́ет?

Просвещáет язык мой словесá Тво́я, я́ко вся зáповеди Тво́я прáвда.

Нос́яй Тя дрéвле, Спáсе, Ио́сиф бе́гает, и ны́не Тя инýй погреба́ет.

Да бóдет рука Тво́я е́же спасти́ мя, я́ко зáповеди Тво́я изво́лих.

Пла́чет и рыда́ет Тя Пречíстая Мáти Тво́я, Спáсе мой, умерщвлéннаго.

Возжелáх спасéние Твоё, Гóсподи, и закóн Твой поучéние моё есть.

Ужаса́ются умы стра́ннаго и ужаснаго, Тебé всех Созда́теля, погребе́ния.

Живá бóдет душá мо́я, и восхва́лит Тя, и судьбы́ Тво́я помо́гут мне.

Излия́ша на гроб миронóсицы мíра, зело́ ráно пришédшыя.

Заблуди́х я́ко овча́ погíбшее, взыщи́ раба́ Твоегó, я́ко зáповедей Твои́х не забы́х.

Мир Цéркви, лю́дем Твои́м спасéние да́руй востáнием Твои́м.

Сла́ва Отцу́, и Сы́ну, и Свято́му Ду́ху.

О, Трóице Бóже мой, О́тче, Сы́не и Ду́ше, поми́луй мир.

И ны́не, и прѣсно, и во ве́ки веко́в. **Ами́нь.**

Вѣдети Твоего Сына воскресение, Дево, сподоби Твоя рабы.

И а́бие:

ТРОПАРИ ВОСКРЕСНЫ ПО НЕПОРОЧНАХ, ГЛАС 5:

Благословѣн еси́, Го́споди, научи́ мя оправда́нием Твои́м.

А́нгельский собо́р удиви́ся, / зря́ Тебе́ в ме́ртвых вмени́вшася, / сме́ртную же, Спа́се, кре́пость разори́вша, / и с Собо́ю Ада́ма воздви́гша, / и от а́да вся свобо́ждша.

Благословѣн еси́, Го́споди, научи́ мя оправда́нием Твои́м.

Почто́ ми́ра с ми́лостивными слеза́ми, / о учени́цы, раство́ряете? / Блиста́йся во гробе́ А́нгел миронóсицам веща́ше: / ви́дите вы гроб и уразуме́йте, / Спас бо воскресе́ от гроба́.

Благословѣн еси́, Го́споди, научи́ мя оправда́нием Твои́м.

Зело́ ра́но миронóсицы теча́ху / ко гробу́ Твоему́ рыда́ющия, / но предста́ к ним А́нгел и рече́: / рыда́ния вре́мя преста́, не пла́чите, / воскресение́ же апо́столом рцы́те.

Благословѣн еси́, Го́споди, научи́ мя оправда́нием Твои́м.

Миронóсицы жены́ с ми́ры прише́дшия / ко гробу́ Твоему́, Спа́се, рыда́ху, / А́нгел же к ним рече́, глаго́ля: / что с ме́ртвыми жива́го помышля́ете? / Яко Бог бо, воскресе́ от гроба́.

Сла́ва: Поклонѣ́мся Отцу́ / и Егó Сы́нови, и Свято́му Ду́ху, / Святѣ́й Трѣ́ице во еди́ном существѣ́, / с Серафѣ́мы зову́ще: / Свят, Свят, Свят еси́, Го́споди.

И ны́не: Жизнода́вца ро́ждши, / греха́, Дево, Ада́ма изба́вила еси́, / ра́дость же Ё́ве / в печа́ли ме́сто подала́ еси́, / па́дшия же от жи́зни / к сей напра́ви / из Тебе́ воплотѣ́выйся Бог и Чело́вѣк.

Аллилу́ия, аллилу́ия, аллилу́ия, сла́ва Тебе́, Бо́же. Трижды.

Го́споди, поми́луй. Трижды.

Сла́ва, и ны́не:

Седален:

Плещани́цею чи́стою и арома́ты Божѣ́ственными Тѣ́ло Честно́е, испросѣ́в у Пила́та, миропомазу́ет и полага́ет Ио́сиф в но́вом гробе́. Тѣ́мже ура́нши миронóсицы же́ны, возопѣ́ша: покажи́ нам, я́коже предре́кл еси́, Христѣ́, воскресе́ние.

Сла́ва, и ны́не:

Ужасо́шася ли́цы А́нгельстии зря́ще Седя́щаго в не́драх О́тчих, ка́ко во гроб полагáется я́ко мертв, Безсме́ртный, Егóже ч́ини А́нгельстии окружа́ют, и сла́вят с ме́ртвыми во аде, я́ко Зижди́теля и Го́спода.

Псалом 50

Помилуй мя, Бо́же, по вели́цей ми́лости Твое́й, и по мно́жеству щедро́т Твои́х очисти беззако́ние моё. Наипа́че омы́й мя от беззако́ния моего́, и от греха́ моего́ очисти мя; я́ко беззако́ние моё аз зна́ю, и грех мой предо мно́ю есть вы́ну. Тебе́ еди́ному согреших, и лука́вое пред Тобо́ю сотвори́х; я́ко да оправди́шия во словесе́х Твои́х, и победи́ши, внегда́ суди́ти Ти. Се́ бо в беззако́нных зача́т есмь, и во гресе́х роди́ мя ма́ти моя́. Се́ бо и́стину возлюбил еси́, безве́стная и та́йная премудро́сти Твоея́ явил ми еси́. Окропи́ши мя иссо́пом, и очи́шуся; омы́еши мя, и па́че сне́га убелю́ся. Слу́ху моему́ да́си ра́дость и весе́лие; возра́дуются ко́сти смире́нныя. Отврати́ лице́ Твое́ от грех мои́х, и вся беззако́ния моя́ очисти. Сёрдце чи́сто сози́жди во мне, Бо́же, и дух прав обнови́ во утробе́ мое́й. Не отве́ржи мене́ от лица́ Твоего́, и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́, и Ду́хом Влады́чним утверди́ мя. Научу́ беззако́нныя путе́м Твои́м, и нечестивии к Тебе́ обратя́тся. Избáви мя от крове́й, Бо́же, Бо́же спасе́ния моего́; возра́дуется язы́к мой пра́вде Твое́й. Го́споди, устне́ мои́ отве́рзеши, и уста́ моя́ возвестя́т хвалу́ Твою́. Я́ко а́ще бы восхоте́л еси́ жёртвы, дал бых у́бо: всесоже́жения не благоволи́ши. Жёртва Бо́гу дух сокруше́н; сёрдце сокруше́нно и смире́нно Бог не уничижи́т. Ублажи́, Го́споди, благоволе́нием Твои́м Сио́на, и да сози́ждутся стёны Иерусали́мския. Тогда́ благоволи́ши жёртву пра́вды, возноше́ние и всесожега́емая; тогда́ возложáт на олта́рь Твой тельцы́.

КАНО́Н, ГЛАС 6

От пе́рвоя пе́сни до шесты́я
творе́ние Ма́рка мона́ха, епи́скопа Идру́нтского,
ирмосы́ же творе́ние жены́ не́кия, Кассии́ имену́емая.
От шесты́я же пе́сни до конца́ творе́ние
господи́на Космы́

Песнь 1

Ирмо́с: Волно́ю морско́ю Скрывшаго дре́вле гони́теля мучи́теля, под земле́ю скры́ша спасе́нных о́троцы: но мы я́ко отрокови́цы Го́сподеви по́йм, сла́вно бо просла́вися.

Припе́в: Сла́ва Тебе́, Бо́же наш, сла́ва Тебе́.

Господи Бóже мой, исходное пѣние, и надгробную Тебѣ песнь воспою, погребѣнием Твоимъ жѣзни моея входы отвѣрзшему, и смѣртию смерть и ад умертвѣвшему.

Слáва Тебѣ, Бóже наш, слáва Тебѣ.

Горѣ Тя на престолѣ, и дóле во гробѣ, премѣрная и подзѣмная помышляющая, Спáсе мой, зыбляхуся умерщвлѣнием Твоимъ: пáче ума бо, вѣден был есѣ мертв. Живоначáльниче.

Слáва Отцѹ, и Сы́ну, и Свято́му Ду́ху, и ны́не и прѣсно, и во вѣки веко́в. **А**ми́нь.

Да Твоея славы вся испóлниши, сшел есѣ в нѣжняя землѣ: от Тебѣ бо не скрѣся состав мой ѣже во Ада́ме, и погребѣн истлѣвша мя обновляеши, Человеколю́бче.

Катав́асия: Волно́ю морско́ю Скрывшаго дрѣвле гонѣтеля мучѣтеля, под земле́ю скрѣша спасѣнных ѡтроцы: но мы ꙗ́ко отрокови́цы Гóсподеви поѣм, сла́вно бо просла́вися.

Песнь 3

Ирмо́с: Тебѣ, на водах Повѣсившаго всю зѣмлю неодоудѣмо, тварь вѣдевши на Лѡбнем вѣсима, ѹжасом мно́гим содрога́шеся, несть Свят, рáзве Тебѣ, Гóсподи, взыва́юща.

Слáва Тебѣ, Бóже наш, слáва Тебѣ.

Образы погребѣния Твоего́ показáл есѣ, видѣния умно́жив: ны́не же сокровѣнная Твоя́ Богомѹжно уяснѣл есѣ, и сущым во аде Влады́ко, несть Свят, разве Тебѣ, Гóсподи, взыва́ющим.

Слáва Тебѣ, Бóже наш, слáва Тебѣ.

Простѣрл есѣ длáни, и соединѣл есѣ дрѣвле разстоя́щаяся: одея́нием же, Спáсе, е́же в плащани́це и во гробѣ, окованныя разрешил есѣ, несть Свят, разве Тебѣ, Гóсподи, взыва́юща.

Слáва Отцѹ, и Сы́ну, и Свято́му Ду́ху, и ны́не и прѣсно, и во вѣки веко́в. **А**ми́нь.

Гробом и печáтьми, Невместѣме, содер́жимъ был есѣ хотѣнием: ꙗ́ко сѣлу Твою́ дѣйстви́е показáл есѣ, богодѣйственно поѹщим: несть Свят, рáзве Тебѣ, Гóсподи Человеколю́бче.

Катав́асия: Тебѣ, на водах Повѣсившаго всю зѣмлю неодоудѣмо, тварь вѣдевши на Лѡбнем вѣсима, ѹжасом мно́гим содрога́шеся, несть Свят, рáзве Тебѣ, Гóсподи, взыва́юща.

Господи, помилуй. Трижды.

Слава, и ныне:

Седален, глас 1:

Гроб Твой, Спасе, воины стрегущи, мертви от облистания являшагося Ангела быша, проповедающе женам воскресение. Тебе славим тли Потребителя, Тебе припадаем воскресшему из гроба, и Единому Богу нашему.

Песнь 4

Ирмос: На Кресте Твое Божественное истощание провидя Аввакум, ужасся вопияше: Ты сильных пресекл еси державу, Блаже, приобщался сущим во аде, яко Всесилен.

Слава Тебе, Боже наш, слава Тебе.

Седмый день днесь освятил еси, егже древле благословил еси упокоением дел: преводиши бо всяческая и обновляеши, суббоотствуя, Спасе мой, и назидая.

Слава Тебе, Боже наш, слава Тебе.

Силою лучшаго, победившаго Тебе, от плоти душа Твоя разделися: растерзаючи бо обою узы, смерти и ада, Слове, державою Твоею.

Слава Отцу, и Сыну, и Святому Духу, и ныне и присно, и во веки веков. Аминь.

Ад, Слове, срет Тя огорчися, Человека зря обожена, уязвлена ранами, и Всесильнодетеля, Страшным же зраком погйбе.

Катавасия: На Кресте Твое Божественное истощание провидя Аввакум, ужасся вопияше: Ты сильных пресекл еси державу, Блаже, приобщался сущим во аде, яко Всесилен..

Песнь 5

Ирмос: Богоявления Твоего, Христэ, к нам милостивно бывшаго, Исаия Свет видев Невечерний, из нощи утреневав взываше: воскреснут мертвии, и востанут сущии во гробех, и вси земнороднии возрадуются.

Слава Тебе, Боже наш, слава Тебе.

Новотвориши земныя Создателю, перстен быв, и плащаница и гроб являют еже в Тебе, Слове, таинство: благообразный бо советник, Тебе, рождшаго совет, образует, в Тебе велелепно новотворящего мя.

Слава Тебе, Боже наш, слава Тебе.

Смертию смертное, погребением тленное предлагаеши, нетленно твориши бо, благолепно безсмертно творя приятие: плоть бо Твоя истления не виде, Владыко, ниже душа Твоя во аде страннолепно оставлена бысть.

Слава Отцу, и Сыну, и Святому Духу, и ныне и присно, и во веки веков.
Аминь.

Из Небратных прошед, и прободен в ребра, Содетелю мой, из Нея соделал еси обновление Евино, Адам быв, уснув паче естества сном естественным, и жизнь воздвигнув от сна и тления яко Всесилен.

Катавасия: Богоявления Твоего, Христэ, к нам милостивно бывшаго, Исаия Свет виде Невечерний, из нощи утреневав взываше: воскреснут мертвии, и востанут сущии во гробех, и вси земнороднии возрадуются.

Песнь 6

Ирмос: Ят бысть, но не удержан в персех китовых Иона: Твой бо образ нося, страдавшаго, и погребению давагося, яко от чертога от зверя изыде, приглашаше же кустодии: хранящим суетная и ложная, милость сию оставили есте.

Слава Тебе, Боже наш, слава Тебе.

Биен был еси, но не разделился, еси, Слове, еяже причастился еси плоти: аще бо и разорися Твой храм во время страсти, но и тако един бе состав Божества и плоти Твоея. Во обоих бо един еси Сын, Слово Божие, Бог и Человек.

Слава Тебе, Боже наш, слава Тебе.

Человекоубийственно, но не богоубийственно бысть преступление Адамово: аще бо и пострада Твоея плоти перстное существо, но Божество безстрастно пребысть: тленное же Твое на нетление предложил еси, и нетленные жизни показал еси Источник воскресением.

Слава Отцу, и Сыну, и Святому Духу, и ныне и присно, и во веки веков.
Аминь.

Царствует ад, но не вечнует, над родом человеческим: Ты бо положся во гробе державне. Живоначальною дланию, смерти ключи развергл еси, и проповедал еси от века тамо спящим избавление неложное, быв Спасе мертвым Первенец.

Катавасия: Ят бысть, но не удержан в персех китовых Иона: Твой бо образ нося, страдавшаго, и погребению давагося, яко от чертога от зверя

изыде, приглашаше же кустодии: хранящим суетная и ложная, милость сию оставили естѣ.

Господи, помилуй. Трійжды.

Слава, и ныне:

Кондак, глас 6:

Бездну заключивый, мертв зрится, и смиренною и плащаницею обвився, во гробе полагается яко смертный Безсмертный: жены же приидоша помазати Его миром, плачущия горько и вопиющия: сий суббота есть преблагословенная, в нейже Христос уснув воскреснет тридневен.

Икос:

Содержай вся на Кресте вознесся, и рыдает вся тварь, Того видящи нага висяща на древе, солнце лучы сокры, и звезды отложивша свет, земля же со многим страхом поколебася, и море побеже, и камене распадся, гробы же мнози отверзошася, и телеса восташа святых мужей. Ад низу стенет, и иудее советуют оклеветати Христова Воскресение, жены же зывают: Сия суббота есть преблагословенная, в нейже Христос уснув воскреснет тридневен.

Песнь 7

Ирмос: Неизреченное чудо, в пещи Избавивый преподобныя отроки из пламене, во гробе мертв бездыханен полагается, во спасение нас поющих: Избавителю Боже, благословен еси.

Слава Тебе, Боже наш, слава Тебе.

Уязвися ад, в сердце прием Уязвеннаго копием в ребра, и воздыхает огнем Божественным иждиваемь, во спасение нас поющих: Избавителю Боже, благословен еси.

Слава Тебе, Боже наш, слава Тебе.

Богат гроб, в себе бо прием яко спяща Содетеля, жизни Божественное сокровище показася, во спасение нас поющих: Избавителю Боже, благословен еси.

Слава Тебе, Боже наш, слава Тебе.

Законом умерших еже во гробе положение, всех приемлет жизнь, и сего источника показывает востания, во спасение нас поющих: Избавителю Боже, благословен еси.

Сла́ва Отцу́, и Сы́ну, и Свято́му Ду́ху, и ны́не и прѣсно, и во ве́ки веко́в. Ами́нь.

Еди́но бы́ше неразлу́чное, е́же во аде, и во гробе́, и во Еде́ме, Бо́жество Христо́во, со Отце́м и Ду́хом, во спасе́ние нас пою́щих: Иза́вителю Бо́же, благослове́н еси́.

Катава́сия: Неизрече́нное чудо, в пещи́ Иза́вивый преподо́бныя о́троки из пла́мене, во гробе́ мертв бездыха́нен полага́ется, во спасе́ние нас пою́щих: Иза́вителю Бо́же, благослове́н еси́.

Песнь 8

Ирмо́с: Ужасни́ся боя́йся не́бо, и да подви́жятся основа́ния земли́: се бо в мертвеце́х вменя́ется в Вы́шних живы́й, и во гроб мал странноприе́млетсЯ. Егóже о́троцы благослови́те, священни́цы воспóйте, лю́дие превозноси́те во вся ве́ки.

Сла́ва Тебе́, Бо́же наш, сла́ва Тебе́.

Разруши́ся Пречи́стый Храм, па́дшую же совозставля́ет ски́нию: Ада́му бо пе́рвому Вто́рый, Иже в Вы́шних живы́й, снѣде да́же до а́довых сокро́вищ. Егóже о́троцы благослови́те, священни́цы воспóйте, лю́дие превозноси́те во вся ве́ки.

Сла́ва Тебе́, Бо́же наш, сла́ва Тебе́.

Преста де́рзость ученико́в, Аримафе́й же изря́дствует Ио́сиф: ме́ртва бо и на́га зря над все́ми Бо́га, про́сит и погребáет, зовы́й: о́троцы благослови́те, священни́цы воспóйте, лю́дие превозноси́те во вся ве́ки.

Благослови́м Отца́, и Сы́на, и Свята́го Ду́ха, Го́спода, и ны́не и прѣсно, и во ве́ки веко́в. Ами́нь.

О чуде́с но́вых! О бла́гости! О неизрече́ннаго терпе́ния! Во́лею бо под земле́ю печатле́ется, Иже в Вы́шних живы́й, и я́ко льстец, Бог оклевета́ется. Егóже о́троцы благослови́те, священни́цы воспóйте, лю́дие превозноси́те во вся ве́ки.

Хва́лим, благослови́м, покланя́емся Го́сподеви, пою́ще и превознося́ще во вся ве́ки.

Катава́сия: Ужасни́ся боя́йся не́бо, и да подви́жятся основа́ния земли́: се бо в мертвеце́х вменя́ется в Вы́шних живы́й, и во гроб мал странноприе́млетсЯ. Егóже о́троцы благослови́те, священни́цы воспóйте, лю́дие превозноси́те во вся ве́ки.

Честнейшую не поем.

Песнь 9

Ирмос: Не рыдай Мене, Мати, зрящи во гробе, Егже во чреве без семене зачала еси Сына: востану бо и прославлюся, и вознесу со славою непрестанно, яко Бог, верою и любовью Тя величающия.

Слава Тебе, Боже наш, слава Тебе.

В страннем Твоем рождестве, болезней избежавши паче естества, ублажился Безначальне Сыне: ныне же Ты, Боже Мой, бездыханна зрящи мертва, оружием печали растерзаюся люте, но воскресни, яко да возвеличуся.

Слава Тебе, Боже наш, слава Тебе.

Земля покрывает Мя хотяща, но устрашаются адовы вратницы, одяна видяще одеждою окровавленою Мати, отмщения: враги бо Крестом поразив яко Бог, воскресну паки, и возвеличу Тя.

Слава Отцу, и Сыну, и Святому Духу, и ныне и присно, и во веки веков.
Аминь.

Да радуется тварь, да веселятся вси земнороднии, враг бо пленися ад: с мира жены да сретают, Адама со Евою избавляю всеродна, и в третий день воскресну.

Катавасия: Не рыдай Мене, Мати, зрящи во гробе, Егже во чреве без семене зачала еси Сына: востану бо и прославлюся, и вознесу со славою непрестанно, яко Бог, верою и любовью Тя величающия.

Господи, помилуй. **Трижды.**

Слава, и ныне:

Свят Господь Бог наш. Свят Господь Бог наш. Свят Господь Бог наш.

Ексапостиларий

(из древних славянских Триодей):

Суббота святая нам, Суббота великая просветися, в нюже положиися во гробе Избавитель Бог наш, и тридневным Востанием воскресе от гроба.

ХВАЛИТНЫ

Всякое дыхание да хвалит Господа. / Хвалите Господа с небес, / хвалите Его в вышних. / Тебе подобает песнь Богу. / Хвалите Его, вси Ангели Его, / хвалите Его, вся Силы Его. / Тебе подобает песнь Богу.

Стихиры на хвалитех, глас 2:

На 4: Хвалите Егó на síлах Егó, / хвалите Егó по мнóжеству вели́чества Егó.

Днесь соде́ржит гроб Соде́ржащаго длáнию тварь, покрывáет кáмень Покрýвшаго добродéтелию Небесá, спит Живóт, и ад трепéщет, и Ада́м от уз разрешáется. Сла́ва Твоему́ смотре́нию, íмже соверши́в все упокоéние вéчное, дарова́л еси́ нам, Бо́же, всесвято́е из ме́ртвых Твое́ Воскресе́ние.

Хвалите Егó во гла́се тру́бнем, / хвалите Егó во псалти́ри и гу́слех.

Что зрýемое видéние? Кóе настоящее упокоéние? Царь веко́в, Ёже стра́стию соверши́в смотре́ние, во грóбе суббо́тствует, но́вое нам пода́й суббо́тство, Тому́ возопи́м: воскресни́, Бо́же, судяй земли́, я́ко Ты Цáрствуеши во ве́ки, неизме́рную имéяй ве́лию мýлость.

Хвалите Егó в тимпа́не и ли́це, / хвалите Егó во стру́нах и орга́не.

Приидите ви́дим Живóт наш во грóбе лежа́щ, да во гробéх лежа́щия оживи́т. Приидите днесь íже из Иу́ды спя́ща зря́ще, проро́чески Емý возопи́м: возле́г уснул еси́ я́ко лев, кто воздви́гнет Тя, Царю́? Но воста́ни самовла́стно, да́вый Себе́ о нас во́лею, Го́споди, сла́ва Тебе́.

Глас 6:

Хвалите Егó в кимва́лех доброгласных, хвалите Егó в кимва́лех восклицáния. / Вся́кое дыха́ние да хва́лит Го́спода.

Проси́ Ио́сиф те́ло Иису́сово, и положи́ Ё в но́вом своéм грóбе: подобáше бо Емý из грóба, я́ко из черто́га пройти́. Сокруши́вый держа́ву сме́рти, и отве́рзый врата райская́ челове́ком, Го́споди, сла́ва Тебе́.

Сла́ва, глас 6:

Дне́шний день та́йно вели́кий Моисéй прообразова́ше, глаго́ля: и благослови́ Бог день седмы́й: сия́ бо есть благослове́нная суббо́та, сей есть упокоéния день, в о́ньже почи́ от всех дел Свои́х Единоро́дный Сын Бо́жий, смотре́нием еже на сме́рть, плóтию суббо́тствова́в: и во е́же бе, па́ки возвраща́ся воскресéнием, дарова́ нам живóт вéчный, я́ко Еди́н Благ и Человеколю́бец.

И ны́не, Богоро́дичен, глас 2:

Преблагослове́на еси́, Богоро́дице Де́во, / Вопло́щшим бо ся из Тебе́ ад плени́ся, / Ада́м воззва́ся, / кля́тва потреби́ся, / Ёва свободи́ся, / сме́рть

умертвѣйся, и мы ожѣхом. / Тем воспевающе вопиѣм: / благословѣн Христос Бог, / благоволивый тако, слава Тебѣ.

Слава Тебѣ, показавшему нам свет.

ВЕЛИКОЕ СЛАВОСЛОВИЕ

Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя великия ради славы Твоея. Господи, Царю Небесный, Боже, Отче Вседержителю, Господи Сыне Единородный, Иисусе Христѣ, и Святыи Душе. Господи Боже, Агнче Божий, Сыне Отчѣ, вземляи грех мира, помилуй нас. Вземляи грехи мира, приими молитву нашу. Седяи одесную Отца, помилуй нас. Яко Ты еси Един Свят; Ты еси Един Господь, Иисус Христос, в славу Бога Отца, аминь.

На всяк день благословлю Тя и восхвалю имя Твое во веки, и в век века. Сподоби, Господи, в день сей без греха сохранитися нам. Благословен еси, Господи Боже отец наших, и хваально и прославлено имя Твое во веки, аминь.

Буди, Господи, милость Твоя на нас, якоже уповахом на Тя.

Благословен еси, Господи, научи мя оправданием Твоим. **Трижды.**

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебѣ. Господи, к Тебѣ прибегах, научи мя творити волю Твою, яко Ты еси Бог мой, яко у Тебѣ источник живота, во свете Твоем узрим свет. Пробави милость Твою ведущим Тя.

Святыи Боже, Святыи Крепкий, Святыи Безсмертный, помилуй нас. **Трижды.**

Слава Отцу и Сыну и Святому Духу, и ныне и присно и во веки веков, аминь.

Святыи Безсмертный, помилуй нас.

Святыи Боже, Святыи Крепкий, Святыи Безсмертный, помилуй нас.

Тропарь, глас 2:

Благообразный Иосиф, с древа снем Пречистое Тѣло Твое, Пещаницею чистою обвив, и вонями во гробе новѣ покрыв положи.

ПАРЕМИЯ, АПОСТОЛ И ЕВАНГЕЛИЕ

Тропарь пророчества, глас 2:

Содержай концы, гробом содержишься избавил еси, Христэ, да от ада поглотения избавиши человечество, и воскрес оживиши нас, яко Бог Безсмертный.

Прокимен, глас 4: Воскресни, Господи, помози нам и избави нас Имене ради Твоего.

Стих: Бже, ушима нашими услышахом, и отцы наши возвестиша нам.

Воскресни, Господи, помози нам и избави нас Имене ради Твоего.

Пророчества Иезекиилева чтение. [Иез. 37:1-14.]

Бысть на мне рука Господня, и изведе мя в душе Господни, и постави мя среди поля, се же быше полно костей человеческих. И обведе мя окрест их около, и зело на лица поля, и се сухи зело. И рече ко мне: Сыне человек, оживут ли кости сия? И рекх: Господи Бже, Ты веши сия. И рече ко мне: Сыне человек, прорцы на кости сия, и речеши им: кости сухия, слышите слово Господне. Се глаголет Адонай Господь костем сим: се аз введу в вас дух животен. И дам на вас жилы, и введу на вас плоть, и простру по вам кожу, и дам дух Мой в вас, и оживет, и увесте, яко аз есмь Господь. И прорекх, якоже заповеда ми Господь, и бысть глас внегда ми пророчествовати, и се трус, и совокупляхуся кости; кость к кости каждо к составу своему. И видех, и се быша им жилы и плоть растяше, и восхождаше, (и протяжеса) им кожа верху, Духа же не быше в них. И рече ко мне: прорцы о душе, прорцы, сыне человек, и рцы духови: Сия глаголет Адонай Господь: от четырех ветров прииди, Душе, и вдуни на мертвыя сия, и да оживут. И прорекх, якоже повеле ми, и вниде в ня дух жизни, и оживша, и сташа на ногах своих, собор мног зело. И рече Господь ко мне, глаголя: Сыне человек, сия кости весь дом Израилев есть: тии бо глаголют, сухи быша кости наша, погибе надежда наша, убиени быхом. Того ради прорцы (сыне человек), и рцы к ним: сия глаголет Адонай Господь: се аз отверзу гробы ваша, и изведу вас от гробов ваших, людие Мои, и введу вы в землю Израилеву. И увесте, яко аз есмь Господь, внегда отверсти ми гробы ваша, еже возвести Ми вас от гробов ваших, людие Мои: и дам дух Мой в вас, и живи будете. И поставлю вы на земли вашей и увесте, яко аз Господь: глаголах, и сотворю, глаголет Адонай Господь.

Русский перевод: Была на мне рука Господа и Он извел меня Духом Господним, и поставил меня среди поля, а оно было полно костей человеческих. И Он обвел меня кругом около них, и вот их весьма много на поверхности поля, и вот они весьма сухи. И Он сказал мне: сын человеческий! оживут ли кости сии? и я сказал: Господи, Боже! Ты знаешь это. И сказал мне: сын человеческий! изреки пророчество на кости сии и скажи им: кости сухия! слушайте слово Господне. Так говорит Господь Бог костям сим: вот Я введу в вас дух жизни, и обложу вас жилами, и выращу на вас плоть, и покрою вас кожею, и вдуну дух Мой в вас, и оживете, и узнаете, что Я — Господь. И я произнес пророчество, как заповедал мне Господь. И был шум, когда я пророчествовал, и вот движение: то соединялись кости, кость к кости, каждая к составу своему. И я увидел: и вот жилы были на них, и плоть начала расти и подниматься, (и протянулась) кожа поверх их, а духа не было в них. И Он сказал мне: изреки пророчество о духе, изреки пророчество, сын человеческий, и скажи духу: так говорит Господь Бог: от четырех ветров приди дух и дохни на мертвецов сих, и да оживут. И я изрек пророчество, как Он повелел мне, и вошел в них дух жизни, и ожили, и стали на ногах своих: весьма большое собрание. И сказал Господь мне так: сын человеческий! эти кости — весь дом Израилев, ибо они говорят: «изсохли кости наши, погибла надежда наша, мы убиты!» Посему изреки пророчество, (сын человеческий), и скажи им: так говорит Господь Бог: вот Я открою гробы ваши, и выведу вас, народ Мой, из гробов ваших, и введу вас в землю Израилеву. И узнаете, что Я — Господь, когда Я открою гробы ваши, чтобы вывести вас, народ Мой, из гробов ваших, и вдуну в вас дух Мой, и живы будете. И поселю вас в земле вашей и узнаете, что Я — Господь, сказал и совершу, говорит Господь Бог.

Прокімен, глас 7: Воскресні, Гóсподи, Бóже мой, да вознесѣтся рука Твоя, не забúди убóгих Тво́их до концá.

Стих: Исповѣмся Тебѣ, Гóсподи, всем сѣрдцем мо́им, повѣм вся чудеса́ Твоя.

Воскресні, Гóсподи, Бóже мой, да вознесѣтся рука Твоя, не забúди убóгих Тво́их до концá.

К Корінфяном послания Свята́го апóстола Павла чтѣние.

Послание к Коринфянам, зачало 137
(составное чтение: 1 Кор. 5:6–8; Гал. 3:13–14):

Брáтие, мал квас все смѣшеніе квáсит. Очíстите úбо вѣтхий квас, да бúдете нóво смѣшеніе, я́коже естѣ безквáсни: íбо Пáсха нáша за ны пожрѣн бысть Христóс. Тѣмже да прáзднуем не в квáсе вѣтсе, ни в квáсе злóбы и лука́вства, но в безквáсиих чистоты́ и íстины. Христóс ны искупíл есть от клáтвы закóнныя, быв по нас клáтва. Пíсано бо есть: прóклáт всяк вíсый на дрéве. Да в язы́цех благословѣніе Авраáмле бúдет о Христé Иисúсе, да обетовáние Дúха при́имем вѣрою.

Русский перевод: Братия, малая закваска квасит все тесто. Итак очистите старую закваску, чтобы быть вам новым тестом, так как вы бесквасны, ибо Пасха наша, Христос, заклан за нас. Посему станем праздновать не со старою закваскою, не с закваскою порока и лукавства, но с опресноками чистоты и истины. Христос искупил нас от клятвы закона, сделавшись за нас

клятвою (ибо написано: проклят всяк, висящий на древе), дабы благословение Авраамово через Христа Иисуса распространилось на язычников, чтобы нам получить обещанного Духа верою.

Аллилу́ия, аллилу́ия, аллилу́ия.

Стих: Да воскрэснет Бог, и расточáтся вразѣ Егó, и да бежáт от лицá Егó ненавѣдящии Егó.

Аллилу́ия, аллилу́ия, аллилу́ия.

Стих: Я́ко исчеза́ет дым, да исче́знут, я́ко та́ет воск от лицá огнѧ.

Аллилу́ия, аллилу́ия, аллилу́ия.

Стих: Та́ко да погѣбнут грѣшницы от лицá Бóжия, а прáведницы да возвеселя́тся.

Аллилу́ия, аллилу́ия, аллилу́ия.

От Матфе́я свѧта́го Евангеліѧ чтѣніе.

Сла́ва Тебе́, Го́споди, сла́ва Тебе́.

Евангелие от Матфея, зачáло 114:

Во у́трий день, ѡ́же есть по пятцѣ, собра́шася архиере́е и фарисе́е к Пилáту, глаго́люще: Го́споди, помяну́хом, я́ко льстец он рече́ ещѣ сый жив: по триѣх днѣх воста́ну. Повелѣ́ убо утверди́ти гроб до трѣ́тияго дне: да не ка́ко прише́дше ученицы́ Егó но́щию, украду́т Егó и реку́т людем: воста́ от ме́ртвых. И бу́дет послѣ́дняя лѣсть го́рша пе́рвыя. Рече́ же им Пилáт: ѡ́мате кустоди́ю, иди́те утверди́те, я́коже ве́сте. Онѣ́ же ше́дше утверди́ша гроб, знамена́вше ка́мень с кустоди́ею.

Русский перевод: На другой день, который следует за пятницу, собрались первосвященники и фарисеи к Пилату и говорили: господин! Мы вспомнили, что обманщик тот, еще будучи в живых, сказал: после трех дней воскресну; итак прикажи охранять гроб до третьего дня, чтобы ученики Его, придя ночью, не украли Его и не сказали народу: воскрес из мертвых; и будет последний обман хуже первого. Пилат сказал им: имеете стражу; пойдите, охраняйте, как знаете. Они пошли и поставили у гроба стражу, и приложили к камню печать.

Сла́ва Тебе́, Го́споди, сла́ва Тебе́.

ЗАВЕРШЕНИЕ УТРЕНИ

Го́споди, поми́луй. 40.

Сла́ва, и ны́не:

Го́споди, поми́луй. 12.

Сла́ва, и ны́не:

Утверди́, Бо́же, святу́ю правосла́вную ве́ру правосла́вных христиа́н во ве́к ве́ка.

Честне́йшую Херув́им / и сла́внейшую без сравне́ния Сераф́им, / без ислéния Бо́га Сло́ва ро́ждшую, / су́щую Богоро́дицу, Тя велича́ем.

Сла́ва, и ны́не: Го́споди, помíлуй. Трижды. Благословí.

Отпу́ст

Иже нас ра́ди челове́ков и на́шего ра́ди спасéния, стра́шныя стра́сти и Животворя́щий Крест, и во́льное погребéние плóтию изво́ливый, Христé, и́стинный Бо́же наш, моли́твами Пречи́стыя Твоея́ Ма́тере и всех святы́х, помíлуй и спасí нас, я́ко Благ и Человеколю́бец. Ами́нь.

Вели́каго господíна и отца́ на́шего Кири́лла, / Святе́йшаго Патриа́рха Моско́вскаго и всея́ Руси, / и господíна на́шего высокопреосвященнейшаго **и́мярек**, / митрополи́та [**или́**: архиепи́скопа; **или́**: преосвященнейшаго **и́мярек**, епи́скопа] [**его́же есть о́бласть**], / настоя́теля, бра́тию и прихо́жан свята́го хра́ма на́шего, / домоча́дцы на́ша и вся правосла́вныя христиа́ны, / Го́споди, сохрани́ их на мно́гая ле́та.

Стихи́ра, глас 5:

Прииди́те, ублажи́м Ио́сифа приснопа́мятнаго, в но́щи к Пилáту прише́дшаго, и Живота́ всех испроси́вшаго: даждь ми Сего́ Стра́ннаго, И́же не имéет где главы́ подклони́ти: даждь ми Сего́ Стра́ннаго, Егóже учени́к лука́вый на смерть предаде́: даждь ми Сего́ Стра́ннаго, Егóже Ма́ти зря́щи на Крестé ви́сяща, рыда́ющи вопия́ше и ма́терски восклицáше: увы́ Мне, Ча́до Моё! Увы́ Мне, Свёте Мой, и Утро́ба Моя́ возлю́бленная! Симеóном бо предречéнное в це́ркви днесь собы́тся: Моё се́рдце ору́жие прóйде, но в ра́дость воскресе́ния Твоего́ плач преложи́. Покланя́емся страсте́м Твои́м, Христé, покланя́емся страсте́м Твои́м, Христé, покланя́емся страсте́м Твои́м, Христé, и Свято́му Воскресе́нию.

ПЕРВЫЙ ЧАС

Прииди́те, поклони́мся Цареви нашему́ Богу.

Прииди́те, поклони́мся Христу́, Царе́ви нашему́, Бо́гу.

Прииди́те, поклони́мся и припаде́м Само́му Христу́, Царе́ви и Бо́гу на́шему.

Псалом 5

Глаголы моя внуши, Господи, разумей звание мое. Вонми гласу моленья моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселится к Тебе лукавнуя, ниже пребудут беззаконницы пред очима Твоима: возненавидел еси вся делающыя беззаконие. Погубиши вся глаголющыя лжу: мужа кровей и лстива гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающи на Тя, во век возрадуются, и вселишися в них, и похвалятся о Тебе любящими имя Твое. Яко Ты благословиши праведника, Господи: яко оружием благоволения венчал еси нас.

Псалом 89

Господи, прибежище был еси нам в род и род. Прежде даже горам не быти и создаться земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечестии. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и прейдет: на вечер отпадет ожестеет и исххнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси днии наши оскудеша, и гневом Твоим исчезохом, лета наша яко паучина поучахуся. Днии лет наших, в нихже седьмдесят лет, аще же в силах, осьмдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исчерсти? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100

Милость и суд воспою Тебё, Гóсподи. Пою и разумёю в путі непорóчне, когда приидеши ко мне? Прехождáх в незлóбии сёрдца моего посреде́ дóму моего. Не предлагáх пред очíма мойма вещь законопресту́пную: творящья преступлénие возненавíдех. Не прильпé мне сёрдце строптíво, уклоняющагося от мене́ лукаваго не позна́х. Оклеветáющаго тай íскренняго своего́, сего́ изгоня́х: гóрдým óком, и несýтым сёрдцем, с сим не ядях. Очи мои́ на вёрныя земли́, посаждáти я со мно́ю: ходя́й по путі непорóчну, сей ми служáше. Не живя́ше посреде́ дóму моего́ творя́й горды́ню, глаго́ляй неправедная, не исправля́ше пред очíма мойма. Во ўтрия избивáх вся грéшныя земли́, ёже потребíти от гра́да Господня́ вся дéлающья беззакóние.

Слáва, и ны́не:

Аллилу́ия, аллилу́ия, аллилу́ия, слáва Тебё Бóже. **Трижды.**

Гóсподи, помíлуй. **Трижды.**

Слáва:

Тропа́рь, глас 2:

Благообра́зный Иóсиф, с дрéва снем Пречíстое Тéло Твоё, Плащаницею чíстою обвív, и воня́ми во грóбе нóве покрыв положи́.

И ны́не:

Богородичен:

Что Тя наречём, о Благодáтная? / Нéбо, я́ко возсия́ла есí Сóлнце Пράвды. / Рай, я́ко прозяблá есí цвет нетлénия. / Дéву, я́ко пребылá есí нетлénна. / Чíстую Мáтерь, я́ко имéла есí на святых Тво́их объ́ятиях Сы́на, всех Бóга. / Тогó моли́ спасти́ся душáм нáшим.

Та́же:

Стопы́ моя́ напра́ви по словесí Твоему́ / и да не облада́ет мно́ю всякое беззакóние. / Избáви мя от клеветы́ челове́ческа, / и сохраню́ за́поведи Твоя́. / Лице́ Твоё просветí на раба́ Твоего́ / и научи́ мя оправдáнием Тво́им.

Да испóлнятся устá моя́ хвалénия Твоего́, Гóсподи, / я́ко да воспою́ слáву Твою́, / весь день великолéпие Твоё.

Святый Бóже, Святый Крéпкий, Святый Безсмёртный, помíлуй нас. **Трижды.**

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Пресвята́я Тро́ице, поми́луй нас; Го́споди, очисти́ грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй. Трижды. Сла́ва, и ны́не:

О́тче наш, Иже еси́ на Небесе́х, да святѣ́тся и́мя Твое́, да приѣ́дет Ца́рствие Твое́, да бу́дет во́ля Твоя́, я́ко на Небеси́ и на земли́. Хлеб наш насущный да́ждь нам днесь; и оста́ви нам до́лги на́ша, я́коже и мы оставля́ем должнико́м нашим; и не введи́ нас во искуше́ние, но изба́ви нас от лука́ваго.

[Я́ко Твое́ есть Ца́рство и си́ла и сла́ва во ве́ки. Ами́нь. (Мф. 6: 9-13)]

Конда́к, глас 6:

Бездну заключѣ́вый, мертв зрѣ́тся, и сми́рною и плащани́цею обви́вся, во гробе́ полага́ется я́ко сме́ртный Безсме́ртный: же́ны же приидо́ша пома́зати Его́ ми́ром, плачу́щия го́рько и вопи́ющыя: сий суббо́та есть преблагослове́нная, в не́йже Христо́с усну́в воскресе́нет тридне́вен.

Го́споди, поми́луй. 40.

И́же на всяко́е вре́мя и на вся́кий час, на Небеси́ и на земли́, покланя́емый и сла́вимый, Христé Бо́же, Долготерпели́ве, Многоми́лостиве, Многоблаготро́бне, Иже пра́ведныя любя́й и грешны́я ми́луяй, Иже вся зовѣ́й ко спасе́нию обеща́ния ра́ди бу́дущих благ. Сам, Го́споди, приими́ и на́ша в час сей моли́твы и испра́ви живо́т наш к за́поведем Твои́м, ду́ши на́ша освяти́, телеса́ очисти́, помышле́ния испра́ви, мы́сли очисти́ и изба́ви нас от вся́кия ско́рби, зол и боле́зней, огради́ нас святы́ми Твои́ми Ангелы, да ополче́нием их соблюда́еми и наставля́еми, дости́гнем в соедине́ние ве́ры и в ра́зум непристу́пныя Твоея́ сла́вы, я́ко благослове́н еси́ во ве́ки веко́в, ами́нь.

Честне́йшую Херуви́м и сла́внейшую без сравне́ния Серафи́м, без ислéния Бо́га Сло́ва ро́ждшую, су́щую Богоро́дицу, Тя велича́ем.

Моли́твами святы́х оте́ц на́ших, Го́споди Иису́се Христé, Бо́же наш, поми́луй нас. Ами́нь.

И молитву́ часа:

Христé, Све́те Исти́нный, просвеща́яй и освяща́яй вся́каго челове́ка, гряду́щаго в ми́р, да зна́менается на нас свет лица́ Твоего́, да в нем у́зрим

Свет Неприступный: и исправи стопы наша к деланию заповедей Твоих, молитвами Пречистыя Твоея Матере, и всех Твоих святых. **Аминь.**

Кондак Богородицы:

Взбранной Воеводе победительная, / яко избавльшися от злых, / благодарственная восписуем Ти раби Твой, Богородице, / но яко имущая державу непобедимую, / от всяких нас бед свободи, да зовем Ти; / радуйся, Невесто Неневестная.

Слава, и ныне:

Господи, помилуй. Трижды. Благослови.

Отпуст

Христэ, истинный Боже наш, молитвами Пречистыя Твоея Матере, преподобных и богоносных отец наших и всех святых, помилуй и спаси нас, яко Благ и Человеколюбец. Аминь.

Господи, помилуй. Трижды.